

Date – 12/04/2026

Time - 18:30 -18:40Hrs

AKASHVANI AIZAWL

REGIONAL NEWS BULLETIN

HEADLINES (EVENING)

1. Mizoram Universal Health Care Scheme (MUHCS) thawh hnihna atan ni 3 chiah inziahluhna hun a awm ta a, Nilaini lo awm tur thleng a inziahluh theih dawn.
2. Chhiarpui 2027 thawhkhatna chu kalpui mek a ni a, Self Enumeration-ah Mizoram atangin mi 6,030 an in ziaklut tawh
3. Kumin March thla tawp thleng khan Mizoram chungah lirthei nuai 3 sing 6 sang 3, 435 register a ni.
4. India rimawi khawvela hmeichhe zaithiam ber zinga mi, Asha Bhosle chu tukin khan Mumbai-ah a thi.

<><><>

MUHCS 2.0

Mizoram Universal Health Care Scheme (MUHCS) thawh hnihna atan ni 3 chiah inziahluhna hun a awm ta a, tun thla ni 15, Nilaini lo awm tur thleng hi a inziahluh theih dawn.

Mizoram sorkarin health care scheme a kalpui mek thawhnhnihna MUHCS 2.0 atan hian kumin February Ni 16 atang khan Mizoram sorkar chuan internet kaltlanga inziahluhna hun a hawng tan a. Internet thatlohna khua bikah chuan sub-centre leh hmun remchangah inziahluhna tur sorkarin a ruahman bawk a. Mahnia online hmanga inziahluh harsat te tan Sub-Centre tina health worker ten an tihsak thei bawk a ni.

MUHCS 2.0 hi mipuiin an zawm theih nan Kohhran hrang hrang pawhin hma an la a. UPC Mizoram chuan an kohhrana thawk, Mizoram khua leh tui, MUHCS zawm thei zawng zawng chu zawm turin tun thla tir khan an lo hriattir tawh a. Mizoram Presbyterian Kohhran pawhin Kohhran tin te an kohhran member sum harsatna avanga MUHCS zawm thei lo te'n an zawm theih nan hma la turin an in ngen a. Tunah hian Kohhran hrang hrangin hma an la mek a, an kohhran member MUHCS zawm kawnga sum leh paia harsatna nei te in report tura hriattirin an buaipui mek bawk a ni.

VC of Correspondent

(Corr)

<><><>

MINISTERS ON AMC ELECTION

Health Minister Pi Lalrinpuii chuan AMC-a MNF sorkarin bawlhhlawh phur truck tha lai reng kum 1 hnu leka tlawm lutuka a tihral avanga sorkarin cheng nuai 316 a hloh ringawt chu mipui zah lohna entirna ani,ati.

AMC inthlan lo awm tur atana an campaign naah nimin khan he thu hi Kulikawn vengah Minister chuan a sawi a. Bawlhhlawh phur truck man tlawm taka an tiral chu CAG Report 2025 pheii chuan a dem hle tih a sawi a. AMC-ah ZPM party sorkar tir a pawimawh tih sawiin Aizawl khawpuiah Smart City Project hnuaiyah nasa takin damdawiin an tihchangtlun thu a sawi a. MRI, CT Scan, khawl hrang hrang an neih bakah NESIDS atangin Cath Lab - Lung enkawlina bik, stem vuahte man tlawm takin Civil Hospitalah an ti thei tawh ani,ati a. Bio Fire khawl an neihte chu natna hmuhchhuah harsa bik tan a nih thu sawiin Private Hospital te pawhin an neih loh a nih thu sawiin man chawiin an lo hman zawk thin ani ati a. North East-ah a nei awmchhun pahnih zingah an tel tih a sawi a ni.

Byte of Minister Lalrinpuii

Food, Civil Supplies & Consumer Affairs Minister Pu B. Lalchhanzova pawhin thu sawiin ZPM chuan langtlang AMC, thup leh zakkep neilo din an tumani,a ti a Duhsak zawngte contract pek nan chauha AMC hman thin chu khawpui siamthat nan hman ngei an tum tih a sawi a ni.

(Corr)

<><><>

MNYF

MNF Thalai President Pu Robert Romawia Royte, MLA chuan MNF thalaiin Dawt Do Project an kalpui mek thu leh hma lawkah pawh dawt pachal hlir halna hun an hman dawn thu a sawi.

Nimina Aizawl Tennis Court bula Kawtlai Campaign an hmanah he thu hi sawiin Pu Robert Romawia Royte chuan ZPM sorkar chu Mizorama sorkar awm tawh zawng zawnga corrupt ber tia koh ngam ani, ati a, duhsak zawngte vulh nana dan dinglai tam tak pawngsual duhtu sorkar an nih thu sawiin sorkar laipui atanga sumrawn petute beng a thleng tan mekani ati a, SASCI sum mai bakah AMC leh LMC sum an ti lapse teuh teuh chu a pawh hle tih sawiin sum leng vel tlemna chhan zinga pakhat chu an sum hmuh chhun a lapse teuh teuh vang ani,ati.

Pu Robert Romawia Royte chuan Chief Minister in state capital Aizawl khawpui Thenzawla suan a duh thu leh chumi atan chuan sum a dil nghal thu a sawi a.He thil hi NGO te leh kohhran thlenga rawnna tur chi a nih thu sawiin Aizawl mipuite tan chuan a huatthlala awm hle tih a a ni ati bawk.

Byte of Robert Romawia Royte

(Corr)

<><><>

BJP STATE VICE PRESIDENT

BJP Mizoram State Vice President Pu Lalduhawma chuan AMC inthlan lo awm tur atana manifesto-a an dah thalaite eizawna atana puitu tur tha tak tk te chu manifesto-a an dah ang taka kalpui a nih dawn thu a sawi.

Nimina AMC inthlan lo awm tura ITI Venga Street Campaign an neihah he thu hi sawiin Aizawl mipuite zara an lo tling a nih chuan AMC hmalakna tha zawk leh changtlung zawk an nei ngei dawn tih a sawi a. Aizawl khawpui chu khawpui thianglim leh fai a nih theih nan hma an la dawn tih sawiin tuihawk luankawr tihfai leh a luankhawmna tur changtlung tak siam an tum dawn thu a sawi a.

BJP-in skhuanaah mi a thliar loh zia lanna chu PRASHAD Scheme a nih thu a sawi a. He scheme kaltlang hian AMC huam chhungah sakhaw hmun pawimawh siam leh Mizo hnam rohlute tihchangtlunna lam hawiin project an siam dawn thu a sawi a. Chumi hmang chuan khualzin hîpna tur tha tak tak Central Sawrkar puihna in an buatsaih dawn tih a sawi a. Heng bakah hian PM Schemes kaltlanga khawpui hmasawna hna thawh theihna tur tha tak tak a tam tih sawiin chungte chu a nih dan tur ang taka hma lak vek an tum dawn thu a sawi bawk a ni.

(Corr)

<><><>

CENSUS 2027

Chhiarpui 2027 atana thawhkhatna chu kalpui mek a ni a, mahni a inziahlunna Self Enumeration ah Mizoram atangin mi 6,030 an in ziaklut tawh.

Sawkar Laipui Registrar General and Census Commissioner of India hmalaknain chhiarpui thawhkhatna chu kalpui mek a ni a, India rama a vawikhatna atana Houselisting atana Online Portal a mahni inziahlun theihna chu April ni 1 atang khan kalpui a ni a, vawiin thleng in Mizoram ah 6030 an in ziak lut tawh a ni.

State sawrkar a Chhiarpui buaipuitu te chuan awlsam zawka he chhiarpuiah hian in ziahlun a nih theihnana online portal ruahman chu mitinin hmang tangkai se an duh thu sawiin, hei hian Houselisting atan Enumerator ten mimal ina hun an hman chu nasa takin a chhawk zangkhai dawn tih an sawi an sawi bawk. Self Enumeration hi se.census.gov.in ah April Ni 15 thleng a tih theih a ni dawn a ni.

Mizoram chhiarpui hnunng ber chu kum 2011 khan neih a ni a, hetah hian Mizoram a mihring cheng zawng zawng zat chu 1,091,014 a ni a, mipa 5,52,339 leh hmeichhia 5,38,675 a ni a, mipa 1,000 zelah hmeichhia 975 an awm a ni.

(Corr)

<><><>

AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni.

Chanchinthar hi naktuk zing dar 7 leh a chanve-ah puan leh a ni ang.

<><><>

MIZORAM TRANSPORT

Mizoram Transport chhinchhiah danin, kumin March thla tawp thleng khan Mizoram chhungah lirthei nuai 3 sing 6 sang 3, 435 register a ni.

Lirthei register zingah hian lirthei ke hnih nei, two wheeler chu a tam ber a, tun dinhmunah Mizoram pumah two wheeler nuai 2 sing 2 sang 9, 183 register tawh niin hemi dawt-ah hian mimal motor LMV 55,343 register a ni tawh bawk.

Transport Department-in a a tarlan danin, tun dinhmunah Two Wheeler Taxi Mizoram pumah 4,109 a awm mek a, passenger phur chi motor-te ke li nei 59,889 awm mekin passenger phur chi motor tho ke thum nei chi 6,386 Mizoram pumah register ani bawk a, heng bakah hian sumdawnna atana hman, motor lian bungraw phur chi 23,517 register tawh a nih bakah Car rental a tlan lirthei 2,383 a awm mek bawk.

Transport Department-in thla hmasa thlenga Mizoram a motor register tawh a chhinchhiahna-ah hian Mizoram chhungah Bus 560 awm mekin Ambulance 275 register a ni tawh bawk a, lei laihna lirthei, Excavator pawh a vaiin 1,198 register a ni tawh ani.

(Corr)

<><><>

ASHA BHOSLE PASSES AWAY AT 92

India rimawi khawvela hmeichhe zaithiam ber zinga chhiar tel, a zaithiam avanga Padma Vibhushan chawimawina pawh dawng tawh, Asha Bhosle-i chu tukin khan Mumbai-ah a thi a, kum 92-a upa a ni.

A thih thu hi Maharashtra Cultural Minister Ashish Shelar-a'n damdawiin pawna thuthar lakhawmtute hnenah a puang a, naktuk tlai dar 4-ah Shivaji Park-ah vui a ni ang. Asha Bhosle-i tunu Zanai Bhosle-i'n social media-a a tarlan danin a pi hi a chauh zual avangin nizan khan private damdawiin pakhatah dah luh a ni.

Lata Mangeshkar-i nau, Asha Bhosle-i hi kum 1933-ah a piang a, kum 9 anih atanga zai tanin kum 1943-ah film hla a sa tan a, kum 80 chhung chu hindi cinema-a zai tura sawm hlawh ber pakhat niin tawng hrang hrangin hla 12,000 chuang a record tawh a ni.

(Byte)

Asha Bhosle thih thu hian ram pum a deng chhuak nghal a, President Droupadi Murmu, Vice President C. P. Radhakrishnan, Prime Minister Narendra Modi, Defence Minister Rajnath Singh leh Home Minister Amit Shah-te leh Maharashtra sorkar bakah milar thahnem takin an ui thu sawiin a chhungte hnenah tawrhpuina an hlan a ni.